

LAMAN

ALLAMANDA

MAJLIS PERBANDARAN KULIM



EDISI 01 2022
JAN – JUN 2022

GeoInnovation Awards



ANUGERAH ESRI MALAYSIA GEOINNOVATION AWARDS 2021



TOKOH AMALAN BAIK PERATURAN PERINGKAT PIHAK BERKUASA TEMPATAN

ISI KANDUNGAN

INFO PENGURUSAN

- Pena Editor 2
- Majlis Angkat Sumpah Ahli-Ahli Majlis 3 - 6
- Kursus Asas Pengendalian *Drone* 7

INFO ACARA/PROGRAM

- Lawatan ke hutan simpan Gunung Bongsu 8
- Lawatan Tinjauan Aduan Awam bersama Ahli Parlimen Padang Serai 9
- Perhimpunan bulanan bersama anggota 10
- Lawatan sambil belajar Kaedah Penilaian Hartanah Khas 11
- Banteras wabak denggi di Taman Kenari 12
- Lawatan turun padang isu banjir bersama Yang Dipertua MPKK 13
- Delegasi Dewan Bandaraya Kuala Lumpur 14
- Taklimat sebut harga pelaksanaan pembaikan / naik taraf infrastruktur 15
- Pembudayaan pembayaran tanpa tunai "Cashless" 16
- Perkongsian ilmu : E10 Plan Malaysia 17
- Kempen derma darah di MPKK 18
- Tapak Pekan Ahad, Padang Serai 19
- Majlis Perasmian Hari Peladang, Peternak dan Nelayan (HPPNK 2022) 20
- Pengauditan Sistem Pengurusan Kualiti dan Sistem Pengurusan Anti-Rasuah 21
- Kursus Sikap Kerja Positif 22
- Kursus Pengenalan Pertolongan Cemas dan CPR 23
- Warna-warni Sambutan Hari Raya Aidilfitri 24
- Majlis Cabutan Bertuah Cukai Taksiran 2022 25
- Anugerah ESRI Malaysia Geo Innovation Awards 2021 26
- Pelancaran MyPemudah 27
- Kunjungan hormat Yang Dipertua ke Kementerian Kerja Raya 28
- Kunjungan hormat Ketua Polis Daerah Kulim 28
- Pengauditan Sistem Penarafan Bintang (SPB-PBT) 2022 29
- Majlis Pelancaran pesta durian dan buah-buahan 30
- Majlis Pra Pelancaran Kulim Smart Parking 31

PENGURUSAN ADUAN

- Operasi memusnahkan sarang tebuhan 32
- Operasi bersepadu Jabatan Penguatkuasa 33
- Akta Undang-undang kenderaan berat 34

INFO KEMASYARAKATAN

- Kejohanan Bola Sepak Piala Persahabatan Daerah Kulim 35
- Gotong-royong perdana pengindahan keceriaan Stadium Kulim 36
- Program Gotong royong di Sungai Wang Pinang 37

INFO PELANCONGAN

- Tempat menarik di Kulim 38

SIDANG REDAKSI

PENAUNG

Yang Dipertua MPKK
Dr. Haji Nadzman Bin Haji Mustafa,
AMK.,BCK.

PENASIHAT

Puan Setiausaha MPKK
Cik Amal Binti Zubir,
BCK.

KETUA PENGARANG

Puan Hasnita Binti Mohd Hashim
Penolong Pengarang
Bahagian Pembangunan Organisasi
Jabatan Khidmat Pengurusan

PENOLONG KETUA PENGARANG

Puan Munira Binti Abdul Rahim
Ketua Unit komunikasi Korporat
dan Perhubungan Awam

KONSEP & REKA BENTUK

Encik Khairul Syafiq Bin Shahari
Pembantu Tadbir
Bahagian Pembangunan Organisasi

PENGARANG

- Encik Hasril Hafiz Bin Abdul Halim
Penolong Pegawai Penerangan,
Unit Komunikasi Korporat dan Perhubungan Awam
- Nurfarahin Binti Jefri
Pekerja Sambilan Harian,
Unit Komunikasi Korporat dan Perhubungan Awam

JURUFOTO

- Encik Hasril Hafiz Bin Abdul Halim
Penolong Pegawai Penerangan,
Unit Komunikasi Korporat dan Perhubungan Awam
- Encik Syaiful Adnan Bin Othman
Pembantu Operasi,
Unit Komunikasi Korporat dan Perhubungan Awam
- Encik Khairul Syafiq Bin Shahari
Pembantu Tadbir
Bahagian Pembangunan Organisasi
- Encik Muhammad Amsyar Bin Falzi
Pembantu Awam
Bahagian Pembangunan Organisasi

SIDANG PENGARANG/SUMBER MAKLUMAT

- Jabatan Kesihatan Persekitaran
- Jabatan Pembangunan Masyarakat
- Jabatan Khidmat Pengurusan
- Jabatan Perancang dan Landskap
- Jabatan Kejuruteraan
- Jabatan Penilaian dan Pengurusan Harta
- Bahagian Pembangunan Organisasi
- Unit Komunikasi Korporat dan Perhubungan Awam
- Unit Undang-undang

MAJLIS PERBANDARAN KULIM
No 1 Lebuh Bandar 2, Bandar Putra,
09000 Kulim Kedah Darul Aman

☎ 04-4325225 📠 04-4325229

📘 @majlisperbandarankulim

🌐 www.mppk.gov.my

✉ info@mpkk.gov.my

📺 @mediampkk22

📷 @info_mpk

PENA

EDITOR

Assalamualaikum Warahmatullahi Wabarakatuh dan Salam Sejahtera.

Alhamdulillah syukur ke hadrat ilahi kerana atas limpah kurniaanNya, kita dapat melangkah ke tahun baharu 2022 ini. Negara kita telah memasuki Fasa Peralihan ke Endemik sejak 1 April 2022 yang menyaksikan pembukaan semula banyak sektor dan aktiviti ekonomi yang berjalan seperti biasa. Fasa peralihan ke endemik adalah fasa percubaan bagi kita semua dan sudah tentunya memerlukan komitmen semua individu dalam komuniti serta kerjasama daripada semua pihak.

Terlebih dahulu saya ingin merakamkan ucapan terima kasih dan sekalung tahniah yang tidak terhingga kepada semua pihak yang berusaha di atas penerbitan Buletin Edisi 1/2022 ini. Buletin Alamanda ini sememangnya diwujudkan bertujuan untuk memaparkan aktiviti-aktiviti yang telah dijalankan sepanjang bulan Januari sehingga Jun 2022. Segala kegiatan dan pencapaian Majlis Perbandaran Kulim (MPKK) dipaparkan di Buletin Alamanda Edisi 1/2022 ini.

Semoga tahun baharu ini akan memberi lebih banyak kejayaan dan semangat bagi kita semua warga kerja MPKK untuk terus mengorak langkah lebih maju jaya di masa-masa hadapan dan dapat melaksanakan tanggungjawab yang diamanahkan bersama.

Sekian, terima kasih.

HASNITA BINTI MOHD HASHIM
Penolong Pengarah Bhg. Pem. Organisasi
Jabatan Khidmat Pengurusan

INFO PENGURUSAN

MAJLIS ANGKAT SUMPAH PELANTIKAN AHLI-AHLI MAJLIS



16 Jan 2022 – Majlis Angkat Sumpah Pelantikan Ahli Majlis, Majlis Perbandaran Kulim (MPKK) bagi penggal 2022-2023 telah diadakan di Bilik Al-Hikmah, (MPKK).



Seramai 14 orang Ahli Majlis telah menyempurnakan majlis dengan lafaz akad sumpah di hadapan Tuan Yang Dipertua MPKK, Dr. Haji Nadzman Bin Haji Mustaffa dan disaksikan oleh Puan Setiausaha MPKK, Cik Amal Binti Zubir.





Tuan Yang Dipertua MPKK, Dr. Haji Nadzman Bin Haji Mustaffa mengucapkan tahniah kepada semua Ahli Majlis dan mengharapkan agar tahun 2022 memberi harapan yang baharu dengan kerjasama semua pihak agar MPKK terus melakar pelbagai lagi kejayaan demi penyampaian perkhidmatan yang lebih cemerlang.

INFO PENGURUSAN

**SENARAI AHLI-AHLI MAJLIS BAGI PENGGAL 2022 -2023
MENGIKUT ZON KAWASAN**

ZON	KAWASAN	NAMA AHLI MAJLIS	
01	1. Taman Orkid 2. Taman Tanjung Indah & Taman Seri Tanjung 3. Taman Melur ii 4. Taman Melur Indah 5. Taman Melur 6. Taman Anggerik 7. Taman Kemunting 8. Taman Desa Impian 9. Pekan Jurjong 10. Air Merah 11. Taman Dahlia 12. Taman Cempeka 13. Taman Kekwa 14. Taman Teratal Indah 15. Taman Kenanga 16. Taman Ixora 17. Taman Seroja 18. Taman Desa Idaman	Tn Hj Abdul Umir Bin Hashim abdulumir@mpkk.gov.my 	
	02	1. Taman Kempas Merah 2. Taman Cengal Indah ii 3. Taman Cengal 4. Taman Kempas ii 5. Taman Kempas Indah I 6. Taman Cengal I 7. Taman Cengal Indah iii 8. Taman Petaling Indah 9. Taman Jati 10. Taman Meranti 11. Taman Meranti ii 12. Taman Bersatu 13. Taman Bersatu ii 14. Taman Jelutung	En Annuar bin Hassan annuar@mpkk.gov.my 

ZON	KAWASAN	NAMA AHLI MAJLIS	
03	1. Bandar Kulim 2. Taman Seri Kulim & Taman Kelian 3. Jalan Turku Bendahara 4. Perumahan Darul Aman 5. Taman Tunku Putra (Bellbis) 6. Taman Tunku Putra (Serindit) 7. Taman Tunku Putra (Bangau) 8. Taman Tasik Kulim 9. Taman Khir Johari 10. Taman Bunga Mawar 11. Taman Berlian 12. Taman Delima 13. Taman Kulim Baru 14. Taman Budiman 15. Taman Harmoni 16. Taman Bukit Awi 17. Taman Sulaiman	En Norazam Bin Kassim norazam@mpkk.gov.my 	
	04	1. Taman Kenari 2. Taman Kota Kenari (Zon Selatan) 3. Taman Tiong 4. Taman Tiong I 5. Taman Tiong II 6. Taman Merak 7. Taman Bestari 8. Taman Seri Mahkota 9. Sg. Tengas 10. Terap 11. Pekan Mahang 12. Taman Bunga Tanjung 13. Taman Sg. Dingin 14. Pekan Karangan 15. Sedim	En. Sulaiman Bin Ibrahim sulaiman@mpkk.gov.my 

ZON	KAWASAN	NAMA AHLI MAJLIS	
05	1. Taman Petaling Jaya 2. Taman Seri Petaling 3. Taman Beringin & Beringin Indah 4. Taman Keranj 5. Taman Kemuning 6. Bukit Kulim 7. Taman Akasia	En Abdullah Bin Che Ya abdullah@mpkk.gov.my 	
	06	1. Taman Nuri 2. Taman Merpati 3. Taman Merbuk 4. Taman Pelangi 5. Taman Cenderawasih 6. Taman Kejora 7. Pusat Perniagaan Putra 8. Taman Serindit 9. Taman Bayan 10. Taman Kota Kenari (Zon Utara) 11. Taman Camar 12. Taman Kedidi 13. Taman Kenyalang 14. Taman Helang Perdana	En Ganeson a/l Kannan BKM, PJK ganeson@mpkk.gov.my 

INFO PENGURUSAN

**SENARAI AHLI-AHLI MAJLIS
MENGIKUT ZON KAWASAN**



ZON	KAWASAN	NAMA AHLI MAJLIS
07	1. Taman Desa Melati 2. Taman Desa Kasturi 3. Taman Keladi 4. Taman Ceri 5. Taman Rambai 6. Taman Seri Rambai 7. Taman Bidara & Taman Sri Bidara 8. Taman Nenas 9. Taman Nenas Indah 10. Taman Manggis	En Abdul Rahman Bin Mohd Shariff abdulrahman@mpkk.gov.my 
		Pn Noriah Binti Mohd Ramli noriah@mpkk.gov.my 
08	1. Taman Saga 2. Taman Semarak 3. Taman Melawis 4. Taman Merawan 5. Taman Seraya Indah 6. Taman Cendana 7. Bandar Putra 8. Kilang Sago 9. Pondok Labu 10. Keladi	En Mohd Shahrom bin Saad mohdshahrom@mpkk.gov.my 
		En Sangkar a/l Singaram sangkar@mpkk.gov.my 


ZON	KAWASAN	NAMA AHLI MAJLIS
09	1. Taman Selasih 2. Taman Rhu 3. Taman Ara 4. Taman Angsana 5. Taman Seri Pinang 6. Taman Lembah Impiana	Pn Hayati Bt Ahmad hayati@mpkk.gov.my 
		En Mohd Raqib Bin Abu Hassan, PJK mohdraqib@mpkk.gov.my 
10	1. Taman Ehsan 2. Kulim Square 3. Kulim Square Indah 4. Taman Seri Seladang 5. Taman Seladang 6. Taman Ilmiah 7. Taman Badlishah 8. Taman Perindustrian Waja 9. Taman Emas 10. Taman Perak 11. Kaw. Perusahaan Kulim (Utara)	En Mohd Shahrom bin Saad mohdshahrom@mpkk.gov.my 
		En Sangkar a/l Singaram sangkar@mpkk.gov.my 

ZON	KAWASAN	NAMA AHLI MAJLIS
11	1. Taman Aman 2. Taman Makmur 3. Taman Sepakat 4. Taman Desa Makmur 5. Taman Saujana 6. Sungai Seluang 7. Taman Simfoni 8. Taman Desa Lunas 9. Kws. Industri Tmn Makmur 10. Kws. Industri Tmn Aman 11. Kws. Industri Tmn Saujana	En Mohd Shahrom bin Saad mohdshahrom@mpkk.gov.my 
		En Sangkar a/l Singaram sangkar@mpkk.gov.my 
12	1. Taman Kangkong I & II 2. Taman Kangkong Indah 3. Taman Halia 4. Taman Salad 5. Taman Bayan Indah 6. Taman Seri Limau 7. Taman Pegaga 8. Taman Pudina 9. Taman Pandan Indah 10. Taman Bayam 11. Taman Sawi 12. Taman Cili 13. Taman Cekur Manis 14. Taman Kucai 15. Taman Brokoli Indah 16. Taman Tiram/ Tiram Indah 17. Taman Lobak/ Lobak Indah	En Mohd Shahrom bin Saad mohdshahrom@mpkk.gov.my 
		En Sangkar a/l Singaram sangkar@mpkk.gov.my 

INFO PENGURUSAN

**SENARAI AHLI-AHLI MAJLIS
MENGIKUT ZON KAWASAN**

ZON	KAWASAN	NAMA AHLI MAJLIS
13	1. Pekan Lunas 2. Taman Kijang 3. Taman Murni Indah 4. Perumahan Awam Lunas 5. Taman Gemilang 6. Taman Seri Abadi 7. Taman Seri Sentosa 8. Taman Desa Sentosa 9. Taman Sutra Indah 10. Taman Sejahtera Jaya 11. Taman Sang Kancil 12. Taman Sejahtera 13. Taman Mewah 14. Taman Rusa 15. Taman Desa Seni 16. Bandar Permata Lunas 17. Taman Desa Permai	En. Jusri bin Nayan
		jusri@mpkk.gov.my 
14	1. Taman Nilam Baiduri 2. Taman Suasana 3. Taman Haruan 4. Taman Putra 5. Taman Senangin 6. Taman Seri Sentosa 7. Taman PKNK 8. Taman Seluang 9. Taman Maktab 10. Rumah Pangsa Kelang Lama 11. Pusat Perniagaan Putra (Jalan Pecah Batu) 12. Kaw. Perusahaan Kulim (Selatan)	En. Kamarulzaman bin Hashim
		kamarulzaman@mpkk.gov.my 

ZON	KAWASAN	NAMA AHLI MAJLIS
15	1. Taman Serai Setia 2. Taman Serai Wangi i 3. Taman Serai Wangi ii 4. Taman Serai Wangi iii 5. Taman Serai Wangi iv 6. Pekan Padang Serai Utara Taman Melati 7. Taman Berkat 8. Taman Damai ii 9. Taman Damai iii 10. Taman Damai 11. Pekan Padang Serai Utara (Mukim Sidam Kanan)	En Razali Bin Abdullah, PPN, PJK
		razali@mpkk.gov.my 
16	1. Taman Mahsuri 2. Taman Lagenda 3. Taman Puteri 4. Taman Melor 5. Taman Melor Indah 6. Taman Ria 7. Taman Serai Ria 8. Taman Jaya 9. Pekan Padang Serai Selatan (Mukim Nagailit) 10. Taman Raya Indah 11. Taman Bunga Raya 12. Taman Seri Melor 13. Taman Raya Murni	Tuan Hj Badrol Hisam Bin Mohd Yusoff, BKM
		badrolhisam@mpkk.gov.my 

ZON	KAWASAN	NAMA AHLI MAJLIS
17	1. Taman Mutiara 2. Taman Sungai Kob 3. Taman Desa Kob 4. Pekan Sungai Kob 5. Taman Sepilai 6. Kilang Baru 7. Pagar Museh 8. Batu Putih	En Khairul Anwar Bin Ramli
		khairulanuar@mpkk.gov.my 
18	1. Taman Kenangan 2. Taman Kenangan Fasa I 3. Taman Kenangan Fasa II Pekan Sungai Karang 4. Desa Aman 5. Taman Desaku 6. Pekan Merbau Pulas 7. Taman Merbau 8. Taman Desa Cinta Sayang 9. Taman Industri Padang Meha 10. Taman Sena 11. Pekan Labu Besar	Dato Hajjah Marlia Bt Abd. Latiff, DSDK, DMSM, BKM, PPN, PJK, JP
		marlia@mpkk.gov.my 

INFO PENGURUSAN

KURSUS ASAS PENGENDALIAN *DRONE*



30 dan 31 Jan 2022 – Pihak Majlis Perbandaran Kulim (MPKK) telah menganjurkan latihan pengendalian *drone* kepada anggota-anggota MPKK daripada jabatan-jabatan teknikal yang terlibat bertempat di Bilik AI-Ikhlas MPKK.

Kemahiran mengendalikan *drone* amat penting dalam membantu proses menjalankan kerja-kerja rutin terutamanya melibatkan perancangan pembangunan binaan dan juga menjalankan penguatkuasaan.

Sesi taklimat telah disampaikan oleh Encik Khairil Bin Ab Jalil, Penolong Pegawai Perancang Bandar dari Jabatan Perancangan dan Landskap, MPKK.



INFO ACARA/PROGRAM

Lawatan Ke Hutan Simpan Gunung Bongsu



13 Jan 2022 – Lokasi Gunung Bongsu terletak di Karangan, Kedah dengan ketinggian 658 meter dan puncaknya berada di Mukim Terap.

Seramai 20 orang anggota telah menyertai ekspedisi lawatan ke Hutan Simpan Gunung Bongsu. Lawatan yang telah dijalankan bersama Renjer Hutan Kulim, turut disertai Yang Dipertua Majlis Perbandaran Kulim, Dr. Haji Nadzman Bin Haji Mustaffa.



Tujuan lawatan ini diadakan adalah untuk tinjauan tapak (jungle tracking) di kawasan yang dicadangkan oleh MPKK untuk dijadikan sebagai kawasan rekreasi yang berpotensi sebagai kawasan yang menarik para pendaki-pendaki.



INFO ACARA/PROGRAM

LAWATAN TINJAUAN ADUAN AWAM BERSAMA AHLI PARLIMEN PADANG SERAI KE KAWASAN PASAR LUNAS



17 Jan 2022 - Lawatan oleh Yang Berhormat Encik Karupaiya a/l Mutusami, Ahli Parlimen Padang Serai diringi oleh Puan Setiausaha Cik Amal Binti Zubir, Jabatan Kerja Raya, SADA dan Jabatan-jabatan Kejuruteraan MPKK.

Tujuan lawatan adalah untuk meninjau masalah perparitan dan kerosakan Jalan di kawasan Pasar, Lunas. Pihak Yang Berhormat Encik Karupaiya a/l Mutusami telah memperuntukkan sejumlah peruntukkan bagi menurap jalan di kawasan tersebut demi keselesaan pengguna jalan raya.



INFO ACARA/PROGRAM

PERHIMPUNAN BULANAN BERSAMA ANGGOTA

20 Jan 2022 – Majlis Perhimpunan Bulanan Anggota Majlis Perbandaran Kulim(MPKK) bagi bulan Januari 2022 telah diadakan. Majlis perhimpunan yang kembali diadakan semenjak pandemik Covid-19. Majlis ini merupakan pertemuan pertama Tuan Yang Dipertua Dr. Haji Nadzman Bin Haji Mustaffa bersama seluruh warga kerja MPKK secara bersemuka.



Tuan Yang Dipertua Dr. Haji Nadzman Bin Haji Mustaffa turut mengucapkan penghargaan kepada para anggota yang mengambil bahagian melaksanakan misi bantuan kepada pihak yang terkesan dengan bencana banjir di Daerah Yan, Kedah dan di Negeri Selangor.

Tuan YDP juga menyarankan kepada anggota agar terus memberikan perkhidmatan dan layanan yang terbaik kepada para pelanggan. Kesungguhan semangat kerja berpasukan, bekerjasama dan amalan integriti adalah resepi penting agar warga MPKK dapat terus melakar kejayaan.



INFO ACARA/PROGRAM

LAWATAN SAMBIL BELAJAR BERKAITAN KAEDAH PENILAIAN HARTANAH KHAS (PEGANGAN MILIK SADA DAN IWK)



20 Jan 2022 – Lawatan sambil belajar berkaitan Kaedah Penilaian Hartanah Khas (Pegangan milik SADA & IWK) bertempat di Bilik Al-hikmah, Majlis Perbandaran Kulim (MPKK).

Delegasi lawatan yang terlibat terdiri daripada Pegawai Penilaian serta wakil daripada Jabatan Penilaian dan Pengurusan Harta PBT Kedah iaitu daripada Majlis Daerah Baling, Majlis Perbandaran Kubang Pasu, Majlis Daerah Bandar Baharu, Majlis Daerah Sik dan Majlis Daerah Yan.



Sesi taklimat telah disampaikan oleh Pengarah Jabatan Penilaian dan Pengurusan Harta, Puan Sr. Fauziah Binti Abdul Mutilib dan Penolong Pengarah Encik Sr. Mohamad Syakir Bin Daman Huri.

Tujuan taklimat ini diadakan bagi pengumpulan data dan kaedah pengiraan cukai taksiran Tangki SADA dan loji IWK yang telah dilaksanakan oleh Jabatan Penilaian dan Pengurusan Harta MPKK.



INFO ACARA/PROGRAM

BANTERAS WABAK DENGGI DI TAMAN KENARI, KULIM



06 Feb 2022 - Program gotong-royong telah dijalankan di kawasan yang telah dikenalpasti terdapatnya wabak kes denggi. Program yang dijalankan bersama Pejabat Kesihatan Daerah Kulim (PKD Kulim) dengan kerjasama E-Idaman Sdn Bhd dan Majlis Perbandaran Kulim (MPKK).

Turut serta Ahli Jawatankuasa Penduduk Taman Kenari, Penyelaras Dewan Undangan negeri (DUN) Kulim, Tuan Foo Kim Hing, Ahli Majlis Zon 4, Encik Sulaiman Ibrahim dan Pengarah Jabatan Pembangunan Masyarakat MPKK, Tuan Haji Zaidi Bin Zainun. Gotong-royong diadakan bersama-sama penduduk yang telah berganding bahu membanteras pembiakan nyamuk di samping memberi kesedaran kepada penduduk untuk memelihara kebersihan persekitaran.



INFO ACARA/PROGRAM

LAWATAN TURUN PADANG ISU BANJIR BERSAMA YANG DIPERTUA MPKK

9 Feb 2022 – Lawatan oleh Tuan Yang Dipertua Majlis Perbandaran Kulim (MPKK), Dr. Haji Nadzman Bin Haji Mustaffa diiringi Ahli Majlis Encik Razali Bin Abdullah, wakil Jabatan Pengairan dan Saliran (JPS), Penghulu, wakil penduduk, Jabatan Pembangunan Masyarakat, Jabatan Kejuruteraan dan Jabatan Kesihatan Persekitaran, MPKK.



Tujuan lawatan ke Taman Serai Setia, Padang Serai adalah untuk meninjau masalah banjir di lokasi tersebut. Dalam lawatan bersepadu yang melibatkan agensi dan jabatan teknikal ini, kajian lebih terperinci akan dilaksanakan untuk menentukan tindakan bagi mengatasi masalah banjir kilat terutamanya tindakan – tindakan kawalan banjir. Punca banjir telah dikenalpasti iaitu masalah tadahan kolam yang sedia ada di Taman Serai Setia tidak dapat untuk menampung tadahan air, sehingga berlakunya limpahan menjadi banjir kilat.



INFO ACARA/PROGRAM

DELEGASI DEWAN BANDARAYA KUALA LUMPUR



10 Februari 2022 – Majlis Perbandaran Kulim (MPKK) amat berbesar hati menerima kunjungan Delegasi Dewan Bandaraya Kuala Lumpur (DBKL) yang diketuai oleh Encik Saifol Mazli Bin Ahmad, Pengarah Jabatan Pentadbiran DBKL.

Delegasi lawatan disertai oleh para pegawai daripada Jabatan Pelesenan dan Pembangunan Perniagaan, Jabatan Perancangan Bandaraya serta Jabatan Undang-undang dan Pendakwaan DBKL. Tujuan lawatan adalah perkongsian berkenaan pelaksanaan dasar negara bagi amalan baik peraturan.



INFO ACARA/PROGRAM

TAKLIMAT SEBUTHARGA PELAKSANAAN PROJEK PEMBAIKAN/ NAIK TARAF INFRASTRUKTUR



22 Feb 2022 – Satu sesi taklimat sebut harga bagi pelaksanaan projek pembaikan cerun di Taman Cengal, Kulim menaik taraf dinding penahan (Retaining Wall) Taman Desa Impian, menaik taraf longkang berhampiran Sekolah Menengah Kulim, Taman Berlian serta sekitar Taman Legenda, Padang Serai telah diadakan di bilik Al-Hikmah, Majlis Perbandaran Kulim (MPKK).

Taklimat sebut harga telah disampaikan oleh Encik Firdaus Bin Ahmad, Penolong Jurutera Jabatan Kejuruteraan MPKK. Projek-projek ini dilaksanakan bagi menyelesaikan isu-isu aduan awam penduduk terutamanya yang melibatkan peruntukan dan berimpak tinggi terhadap keselamatan dan keselesaan masyarakat setempat.



INFO ACARA/PROGRAM

**PEMBUDAYAAN
PEMBAYARAN TANPA TUNAI
"CASHLESS"**

7 Mac 2022 - Sesi taklimat berkaitan pembayaran tanpa tunai "cashless" telah diadakan pada sesi Pendaftaran dan Undian Petak Niaga Bazar Ramadhan Tahun 2022 yang diadakan di Dewan Bandaran, Kulim.

Selaras dengan inisiatif Kedah Produktif dan Kedah Digital, para peniaga diberi penerangan oleh pihak PayNet, Malaysia Productivity Corporation (MPC) dan beberapa wakil perbankan serta e-dompot berkaitan kepentingan dan kelebihan kaedah bayaran tanpa tunai yang semakin mendapat tempat di hati para pengguna.



Para peniaga kecil disahut untuk berani mengikut arus perkembangan teknologi semasa. Kini, hampir semua pengguna telefon pintar lebih gemar melakukan transaksi bayaran tanpa tunai yang kelihatan lebih mudah dan selamat. Tak perlu lagi membelek cari dan mengira duit. Kaedah ini juga diyakini dapat meningkatkan lagi hasil jualan para peniaga.

Semua perbankan utama kini menawarkan perkhidmatan pembayaran melalui DuitNow QR. Ayuh ! Segera hubungi bank pilihan masing-masing untuk menerima Kod QR DuitNow.

Pada sesi ini juga, para peniaga diberi taklimat oleh pihak PERKESO berkaitan Skim Keselamatan Sosial Pekerjaan Sendiri yang telah diwujudkan untuk memberi perlindungan kepada individu yang menjalankan pekerjaan sendiri di bawah peruntukan Akta Keselamatan Sosial Pekerjaan Sendiri 2017.

INFO ACARA/PROGRAM

PERKONGSIAN ILMU : E10 BERSAMA PLAN MALAYSIA DAN PBT NEGERI SEMBILAN



09 Mac 2022 – Lawatan perkongsian pengetahuan dan perbincangan berkenaan pembangunan dan pelaksanaan Permit Pembinaan Ekspres E10 oleh PLAN Malaysia dan Pihak Berkuasa Tempatan Negeri Sembilan ke Majlis Perbandaran Kulim (MPKK). Delegasi lawatan diketuai oleh Puan Norhasrin Binti Abdullah, Ketua Penolong Pengarah PLAN Malaysia Negeri Sembilan.

Sesi taklimat telah disampaikan oleh Tpr. Tuan Hamzah Bin Ab Halim, Pengarah Jabatan Perancangan dan Landskap Majlis Perbandaran Kulim (MPKK).



INFO ACARA/PROGRAM

KEMPEN DERMA DARAH DI MAJLIS PERBANDARAN KULIM



10 Mac 2022 – Pihak Majlis Perbandaran Kulim (MPKK) juga telah mengadakan kerjasama dengan pihak Hospital Kulim bagi Kempen Derma Darah. Anggota berkesempatan meluangkan masa untuk menderma darah di perkarangan lobi Majlis Perbandaran Kulim.

Kepada individu yang ingin menderma darah boleh hadir ke Unit Transfusi Hospital Kulim:

Waktu urusan adalah seperti berikut:-
 Ahad - Rabu : 8.00pagi - 1.00petang
 : 2.00petang - 5.00petang
 Khamis : 8.00pagi - 1.00petang
 : 2.00petang - 3.30petang

****Hari Jumaat, Sabtu dan Kelepasan AM : Cuti**

Satu beg darah dapat menyelamatkan 3 nyawa.
 Menderma darah dapat meningkatkan kepuasan diri dan berasa lebih sihat.



INFO ACARA/PROGRAM

TAPAK PEKAN AHAD PADANG SERAI

27 Mac 2022 – Pekan Ahad, Padang Serai akan kembali beroperasi sepenuhnya pada setiap hari Ahad bermula 3 April 2022.

Tuan Yang Dipertua, Dr. Haji Nadzman Bin Haji Mustaffa meluangkan masa untuk menyempurnakan sesi penyerahan Lesen Perniagaan kepada para peniaga di Pusat Penjaja Taman Serai Wangi, Padang Serai.

Sesi turun padang oleh Tuan Yang Dipertua, MPKK adalah sebagai tanda sokongan kepada peniaga kecil untuk memulakan semula perniagaan mereka selepas melalui fasa Perintah Kawalan Pergerakan (PKP) yang lalu.



Para pengunjung khususnya daripada penduduk berdekatan amatlah dialu-alukan untuk mengunjungi Pekan Ahad, Padang Serai sebagai sokongan kepada peniaga-peniaga kecil dan seterusnya dapat membantu membangunkan ekonomi setempat.

INFO ACARA/PROGRAM

MAJLIS PERASMIAN

HARI PELADANG, PETERNAK & NELAYAN



28 Mac 2022 – Perasmian Hari Peladang, Penternak dan Nelayan Peringkat Negeri Kedah 2022 (HPPNK 2022) telah dirasmikan oleh Yang Berhormat, Tuan Azman Bin Nasruddin, Pengerusi Jawatankuasa Pertanian dan Industri Makanan, Perusahaan Peladangan dan Komuniti, Pengangkutan, Hal Ehwal Masyarakat India.

Terdapat 24 penyertaan pameran daripada pelbagai agensi yang terlibat antaranya daripada Jabatan Pertanian Negeri Kedah, Lembaga Pemasaran Pertanian Persekutuan (FAMA), Pihak Berkuasa Kemajuan Pekebun Kecil Perusahaan Getah (RISDA), Kolej Pertanian, Penyelidikan dan Kemajuan Pertanian Malaysia (MARDI), Lembaga Pertubuhan Peladang (LPP) serta Lembaga Kemajuan Ikan Malaysia (LKIM) bertempat di Stadium Kulim.

Program HPPNK 2022 telah diadakan selama 5 hari bermula 27 Mac 2022 sehingga 31 Mac 2022. Sambutan yang amat menggalakkan oleh pengunjung daripada dalam dan luar Daerah Kulim.



Tema HPPNK 2022:

**"Makanan Terjamin Negara Lestari.
Terima Kasih Wira Agro Kedah"**

29 Mac 2022 - Menteri Besar, YAB Dato' Seri Haji Muhammad Sanusi Bin Md Nor mengadakan lawatan ke Hari Peladang, Penternak dan Nelayan Negeri Kedah (HPPNK) Tahun 2022 di Stadium Kulim.

Tuan Yang Dipertua MPKK, Dr. Haji Nadzman Bin Haji Mustafa turut hadir mengiringi YAB Dato' Seri Haji Muhammad Sanusi Bin Md Nor bersama Pengerusi Jawatankuasa Pertanian dan Industri Makanan, Perusahaan Peladangan dan Komuniti, Pengangkutan, Hal Ehwal Masyarakat India Negeri, Yang Berhormat, Tuan Azman Bin Nasruddin dan Pengerusi Jawatankuasa Pembangunan Luar Bandar, Pembasmian Kemiskinan, Pembangunan Insan dan Kesejahteraan Masyarakat Negeri, Yang Berhormat Dato' Ashah Binti Ghazali.



INFO ACARA/PROGRAM

PENGAUDITAN MS ISO 9001:2015 (SISTEM PENGURUSAN KUALITI) DAN MS ISO 37001:2016 (SISTEM PENGURUSAN ANTI- RASUAH)



21 hingga 23 Mac 2022 – Pengauditan Sijil MS ISO 9001:2015 dan MS ISO 37001:2016 oleh wakil Standards and Industrial Research Institute of Malaysia (SIRIM) telah diadakan di Majlis Perbandaran Kulim (MPKK).

Audit Persijilan SIRIM MS ISO 9001:2015 dan MS ISO 37001:2016 MPKK telah dikendalikan oleh Pasukan Juruaudit SIRIM yang terdiri daripada :

- Mohd Mauududi Muhamad Noor (Ketua)
- Norlizawati Binti Yusof
- Mohd Shahril Bin Mohd Arshad
- Khairul Azmi Bin Pumijan
- Zulkifli Abdullah
- Nur Asma Abdul Wahab
- S. Normalis Abd Samad



Pengauditan Sijil SIRIM MS ISO 9001:2015 dan MS ISO 37001:2016 selama 3 hari oleh pihak SIRIM ini amat membantu MPKK untuk meneruskan dan menambahbaik kualiti perkhidmatan yang lebih cemerlang kepada semua pelanggan MPKK.

INFO ACARA/PROGRAM

KURSUS SIKAP KERJA POSITIF



18 dan 19 Mei 2022 – Satu sesi Kursus Sikap Kerja Positif telah diadakan pada 18 dan 19 Mei 2022 bertempat di Kulim Golf & Country Resort yang dianjurkan oleh Lembaga Penduduk Dan Pembangunan Keluarga Negara (LPPKN) Daerah Alor Setar.

Penceramah bagi Kursus Sikap Kerja Positif telah disampaikan oleh Dr. Mazita Ahmad dan Encik Norman Hakim bin Ahmad, Pegawai Psikologi daripada Politeknik Tuanku Sultanah Bahiyah, Kulim.



Objektif Kursus Sikap Kerja Positif ini adalah untuk memperbaiki kaedah berkomunikasi secara berkesan serta memahami pentingnya komunikasi interpersonal dalam kerja berpasukan. Kursus ini juga memfokuskan agar anggota:-

- Membentuk budaya kerja yang positif
- Membentuk budaya semangat bekerjasama dalam mencapai matlamat



INFO ACARA/PROGRAM

KURSUS PENGENALAN PERTOLONGAN CEMAS DAN *CARDIO-PULMONARY RESUSCITATION (CPR)*



23 dan 24 Mei 2022 - Seramai 20 orang peserta menyertai Kursus Pengenalan Pertolongan Cemas dan *Cardio-Pulmonary Resuscitation (CPR)* bersama Persatuan Bulan Sabit Merah Malaysia Daerah Kulim, anjuran Jawatankuasa Keselamatan dan Kesihatan Pekerjaan MPKK bertempat di Hotel Seri Malaysia, Kulim.

Objektif program tersebut dijalankan adalah untuk memberi pendedahan kepada para peserta mengenai prosedur pertolongan cemas dan asas CPR. Selain itu, peserta juga memperolehi pengetahuan asas mengenai peringkat-peringkat tindakan awal Pertolongan Cemas kepada mangsa kemalangan atau keadaan kecemasan sebelum ketibaan pasukan perubatan.

Kursus pertolongan cemas dan CPR telah disampaikan oleh Encik Mohd Asri, Penolong Pegawai Perubatan dari Hospital Seberang Jaya Pulau Pinang. Kombinasi ceramah, diikuti tayangan pembentangan dan demonstrasi praktikal dapat memantapkan pemahaman peserta terhadap topik-topik yang dipelajari. Semua peserta dilatih dengan ilmu pertolongan cemas bagi mengatasi keadaan sekiranya berlaku sebarang kecemasan.

INFO ACARA/PROGRAM

WARNA -WARNI MAJLIS SAMBUTAN HARI RAYA AIDILFITRI 2022



26 Mei 2022 – Majlis Sambutan Hari Raya Aidilfitri MPKK telah diadakan bertempat di Dewan Putra, Kulim.

Turut hadir Ahli-ahli Majlis, warga kerja MPKK, agensi-agensi Kerajaan Daerah Kulim dan para pemenang cabutan bertuah cukai taksiran diraikan bersama untuk mengeratkan hubungan silaturahim.

Terima kasih buat semua yang telah hadir memeriahkan lagi majlis Sambutan Hari Raya Aidilfitri.



INFO ACARA/PROGRAM

**MAJLIS CABUTAN BERTUAH
CUKAI TAKSIRAN TAHUN 2022**

26 Mei 2022 – Majlis Cabutan Bertuah Cukai Taksiran Tahun 2022 turut diadakan dalam kesempatan rumah terbuka Sambutan Hari Raya Aidilfitri Majlis Perbandaran Kulim (MPKK).

Majlis Pra Cabutan bagi pemilihan senarai awal para pemenang telah dijalankan pada 26 April 2022 secara melalui *Facebook Live* MPKK.



Berikut merupakan senarai pemenang hadiah wang tunai:

HADIAH UTAMA RM5,000
PANG JIUNN JYE

HADIAH KE-2 RM3,000
MOHAMAD NORKHAM BIN MAHMUD

HADIAH KE-3 RM3,000
AHMAD BIN ROSLAN

HADIAH KE-4 RM1,000
MOHD SHUKRI BIN NORDIN & SHARINA

HADIAH KE-5 RM1,000
TANG AH LEK

HADIAH KE-6 RM1,000
KUMARAN A/L RAJAMOHN

HADIAH KE-7 RM1,000
ARIBAH ADNAN & ROSELAN BIN ABD RAHMAN

HADIAH KE-8 RM1,000
ZANITA BINTI SAMSUDIN

HADIAH KE-9 RM1,000
CHEAH EE LING

HADIAH KE-10 RM1,000
MOHD YASIN BIN SAMAH

HADIAH KE-11 RM1,000S
YAMSUL BIN JAAFAR

HADIAH KE-12 RM1,000
LAW SIN NAI



Tahniah diucapkan kepada semua pemenang dan setinggi-tinggi ucapan penghargaan kerana telah menjadi sebahagian penduduk Kulim yang telah menjalankan tanggungjawab sebagai pembayar cukai !

INFO ACARA/PROGRAM

ANUGERAH ESRI MALAYSIA GEOINNOVATION AWARDS 2021

25 Mei 2022 - Majlis Perbandaran Kulim, Kedah (MPKK) telah menerima pengiktirafan oleh ESRI Malaysia bersempena ESRI Malaysia Geoinnovation Awards 2021 melalui pembangunan Sistem Pengkalan Data Bersepadu (KIDS).

Anugerah yang julung kali diperolehi oleh MPKK ini membuktikan status perbandaran boleh bersaing dengan agensi-agensi besar yang lain.

MPKK juga merakamkan ucapan tahniah kepada agensi-agensi lain yang turut menerima pengiktirafan daripada ESRI Malaysia, iaitu ;

1. Achieving Smart And Sustainable Johor Bahru Towards Greater JB Using Geobj Portal - Majlis Bandaraya Johor Bahru
2. Elasis: Next-Generation Land Administration - Jabatan Tanah Dan Survei Sarawak
3. MY Kampung: Connected Communities – PLANMalaysia@Pulau Pinang
4. Establishing A Centralised GIS Portal In Kedah - Majlis Perbandaran Kulim
5. Iskandar Puteri's "Zero Delay" Complaint Management System - Majlis Bandaraya Iskandar Puteri
6. SMART Plantation: Reimagining Agriculture 4.0 - Sime Darby Plantation Research Sdn Bhd.
7. Connect Towards A Future Free From Violence - Unit Pengurusan Maklumat Geospasial (PEGIS)

Sistem pembangunan Geospasial (GIS) ini meliputi maklumat spatial yang terkini dan menerima input data daripada pelbagai jabatan secara bersepadu serta diterjemahkan dalam bentuk "Dashboard" bagi tujuan analisa dan perkongsian maklumat.

Di samping mempunyai sistem yang teratur, ia membolehkan pengguna membuat keputusan, merancang dan membuat pemantauan yang lebih baik secara berkesan.

Beberapa modul KIDS seperti Kawalan Perancangan, Semakan Pengezonan, Kemas Kini Penilaian, dan Aplikasi OSC juga membantu pelaksanaan inisiatif Majlis Perbandaran Kulim, Kedah - E10. Sistem ini memudahkan perancangan pembangunan, pemantauan kerja pembinaan dan sasaran pengeluaran lesen serta memastikan pembangunan lancar tanpa sebarang kelewatan (Zero Delay).

Perancangan secara dinamik sememangnya membawa kepada penglibatan pelaburan yang lebih tinggi, seterusnya memberi impak positif yang lebih besar kepada ekonomi tempatan. Diharapkan anugerah ini dapat memberi penanda aras dalam pelaksanaan inovasi digital di negeri Kedah. Syabas dan tahniah kepada semua pihak yang terlibat!



INFO ACARA/PROGRAM

Pelancaran *MyPemudah -E10*

12 Jun 2022 - Persidangan MyMudah Peringkat Negeri Kedah telah berjaya diadakan dengan menyaksikan perasmian oleh Ketua Setiausaha Negara, YBhg.Tan Sri Dato' Seri Mohd Zuki Bin Ali, Ketua Setiausaha Negara.

Persidangan ini telah dihadiri oleh peserta daripada sektor awam dan swasta untuk mengetahui mengenai inisiatif MyMudah dalam usaha menambahbaik ekosistem peraturan perniagaan.

Di dalam Persidangan ini, YB Dato' Paduka Ammar Bin Dato' Shaikh Mahmood Naim, Setiausaha Kerajaan Negeri Kedah Darul Aman telah dinobatkan sebagai Tokoh Amalan Baik Peraturan di atas kepimpinan YB Dato' Paduka Ammar Bin Dato' Shaikh Mahmood Naim dalam memacu inisiatif di peringkat Negeri.

Manakala, Tuan Yang Dipertua Majlis Perbandaran Kulim, Dr. Haji Nadzman Bin Haji Mustaffa telah dinobatkan sebagai Tokoh Amalan Baik Peraturan peringkat Pihak Berkuasa Tempatan di atas komitmen dan dedikasi beliau melonjakkan Daerah Kulim sebagai lokasi pilihan pelabur.



Antara intipati dalam ucapan Ketua Setiausaha Negara, YBhg.Tan Sri Dato' Seri Mohd Zuki Bin Ali berkata adalah amat kritikal bagi semua Kerajaan Negeri serta Pihak Berkuasa Tempatan (PBT) menjadi pemudah cara dengan tidak terlalu bergantung kepada peraturan lama yang menyulitkan pelabur.

Kejayaan Kedah menambah baik dan memudahkan urusan untuk menjalankan perniagaan sehingga berjaya menarik minat pelabur, perlu dijadikan contoh dan penanda aras bagi negeri-negeri lain.

Menurutnya projek E10: Permit Pembinaan Ekspres yang diteraju (Majlis Perbandaran Kulim) kini menjadi contoh kepada negeri-negeri lain selain pelaksanaan kaedah Amalan Baik Peraturan (GRP) dan peraturan tangkas yang menjadi antara asas usaha pembaharuan kawal selia Kerajaan Negeri Kedah.

Beliau turut merakamkan ucapan tahniah kepada Kedah yang menjadi negeri pertama menubuhkan Unit MyMudah di peringkat PBT dan negeri yang berjaya menambah baik ekosistem perniagaan dan meningkatkan profil Kedah sebagai destinasi pilihan pelaburan berimpak tinggi.

INFO ACARA/PROGRAM

KUNJUNGAN HORMAT YANG DIPERTUA
KE KEMENTERIAN KERJA RAYA

16 Jun 2022 – Tuan Yang Dipertua Majlis Perbandaran Kulim (MPKK), Dr. Haji Nadzman Bin Haji Mustaffa telah membuat kunjungan hormat ke atas Ketua Setiausaha Kementerian Kerja Raya, YBhg Datuk Wan Ahmad Uzir Bin Haji Wan Sulaiman di pejabatnya.



Kunjungan hormat ini adalah sebagai usaha MPKK membawa cadangan kepada pihak Kementerian Kerja Raya untuk menambah baik kemudahan infrastruktur terutama infrastruktur jalan selaras dengan hala tuju strategik Kulim sebagai Hub Industri Berteknologi Tinggi dan seiring pertumbuhan sektor perindustrian di Kulim yang mencatatkan kemasukan pelaburan asing dan tempatan yang tinggi pada tahun 2021.

Sektor perindustrian ini dijangka akan menawarkan tambahan peluang pekerjaan seterusnya meningkatkan lagi populasi penduduk di Kulim. Justeru itu, bagi menangani kesan pertambahan populasi, pihak MPKK membawa cadangan penambahbaikan infrastruktur jalan untuk pertimbangan pihak kementerian.

KUNJUNGAN HORMAT
KETUA POLIS DAERAH KULIM

20 Jun 2022 - Kunjungan hormat oleh YDH Supt Mohd Redzuan Bin Salleh, Ketua Polis Daerah Kulim ke atas Tuan Yang Dipertua Majlis Perbandaran Kulim, Dr. Haji Nadzman Bin Haji Mustaffa. Sesi kunjungan pihak polis adalah bagi membincangkan mengenai isu-isu semasa berkaitan keselamatan di daerah Kulim dan kerjasama strategik di antara IPD Kulim dan MPKK bagi tahun 2022.

INFO ACARA/PROGRAM

**PENGAUDITAN SISTEM PENARAFAN BINTANG
PIHAK BERKUASA TEMPATAN (SPB-PBT) 2022**



20 Jun 2022 - MAJLIS PERBANDARAN KULIM merupakan salah satu daripada PBT di Negeri Kedah yang terlibat dalam Sistem Penarafan Bintang Pihak Berkuasa Tempatan (SPB-PBT). Pengauditan melibatkan 3 komponen utama iaitu Pengurusan, Perkhidmatan Teras dan Pengurusan Pelanggan. MPKK dinilai oleh Pasukan Inspektorat Jabatan Kerajaan Tempatan, Kementerian Perumahan dan Kerajaan Tempatan (JKT, KPKT) yang diketuai oleh Encik Mohd Faizalnizam Bin Md. Zain. Pengauditan ini bertujuan bagi memastikan MPKK mematuhi perundangan, peraturan, piagam pelanggan dan KPI ditetapkan di samping mempraktikkan amalan yang betul dalam urusan teras.



MPKK sentiasa berusaha untuk meningkatkan kemampuan jentera pentadbiran ke arah penyampaian perkhidmatan yang cekap dan berkesan. Perkara ini menuntut transformasi yang menyeluruh di mana MPKK perlu berusaha meningkatkan prestasi organisasi masing-masing ke tahap yang lebih gemilang dan sentiasa mengekalkan pengiktirafan **5 Bintang** yang telah diperolehi.

Pengauditan Sistem Penarafan Bintang Pihak Berkuasa Tempatan (SPB-PBT) 2022 ini telah berlangsung pada 20 Jun hingga 23 Jun 2022.

INFO ACARA/PROGRAM

MAJLIS PELANCARAN
PESTA DURIAN DAN BUAH-BUAHAN



25 Jun 22 - Majlis Pelancaran Pesta Durian dan Buah-Buahan Tempatan Kulim 2022 oleh Tuan Yang Dipertua, Dr. Haji Nadzman Bin Haji Mustaffa. Turut serta Ahli Dewan Undangan Negeri Bandar Baharu YB Dato' Norsabrina Binti Mohd Noor, Ahli-ahli Majlis MPKK, Ketua-ketua Jabatan Agensi Awam dan Swasta.

Pesta yang dianjurkan oleh Majlis Perbandaran Kulim dengan kerjasama Jabatan Pertanian Negeri Kedah, Lembaga Pemasaran Pertanian Persekutuan – FAMA, KEDA, Environment Idaman, GISB Holdings dan Kulim Media TV ini julung-julung kalinya diadakan bagi menzahirkan satu pesta buah-buahan tempatan serta menikmati suasana kemeriahan pesta di Daerah Kulim.



Tujuan utama program adalah untuk menonjolkan pelbagai jenis buah durian yang berasal dari pelbagai pelusuk daerah dan negeri yang dibawa dan dikumpulkan secara setempat bagi memudahkan para pelanggan mendapatkan buah-buahan. Di samping itu juga terdapat jualan produk-produk hiliran yang berasaskan buah-buahan tempatan.

Yang Dipertua MPKK dalam ucapannya juga mengucapkan ribuan terima kasih kepada semua pihak yang terlibat dalam menjayakan pesta kali ini dan menzahirkan penghargaan kepada pihak Pasaraya Ikhwan Kulim yang menaja ruang tapak dan kelengkapan sempena pesta ini diadakan.

INFO ACARA/PROGRAM

MAJLIS PRA-PELANCARAN
KULIM SMART PARKING



25 Jun 22 - Majlis Pra-Pelancaran Kulim Smart Parking dengan penyerahan Memorandum Persefahaman "MOU" di antara Majlis Perbandaran Kulim (MPKK) yang diwakili oleh Dr. Haji Nadzman Bin Haji Mustaffa, Tuan Yang Dipertua MPKK dan HeiTech Padu Berhad yang diwakili oleh Hj. Safarudin Ban, Pengarah Komersial Smart Parking, HeiTech Padu Berhad.

Kerjasama antara pihak awam dan swasta antara MPKK dengan HeiTech Padu Berhad dalam membangunkan sistem kutipan parkir dan kompaun tanpa tunai. Sistem bayaran parkir pintar ini merupakan salah satu langkah strategik ke arah mentransformasikan daerah Kulim sebagai sebuah bandar pintar seiring dengan hala tuju Daerah Kulim sebagai sebuah Hub Pelaburan Berteknologi Tinggi.



Dengan pengalaman lebih dari 25 tahun dalam pelbagai industri dan pasaran, HeiTech Padu Berhad telah mengembangkan kepakaran dalam pelbagai bidang, dilengkapi dengan pengetahuan yang mendalam dan berpengalaman mengenai keperluan dan cabaran khusus dalam industri aplikasi, sistem dan penyelesaian yang diperlukan.



Hasil maklum balas pelanggan yang diterima juga menunjukkan tanda positif dalam usaha membangunkan aplikasi bayaran tanpa tunai ini yang sememangnya dinantikan oleh penduduk Kulim. Tuan Yang Dipertua dalam ucapannya juga berkata "hasrat MPKK di Kulim ini adalah untuk membangunkan aplikasi sistem secara single 'sign-on' sahaja, di mana para pengguna hanya memerlukan satu saluran sistem sahaja untuk berurusan dengan MPKK sama ada proses permohonan lesen, bayaran cukai taksiran, sewaan dan pelbagai urusan lagi secara dalam talian. Sistem yang boleh memudahkan urusan para pengguna ini dijangka boleh digunakan dalam waktu yang terdekat."

INFO PENYELENGGARAAN

OPERASI MEMUSNAHKAN SARANG TEBUAN



21 Februari 2022 – Majlis Perbandaran Kulim (MPKK) telah menerima aduan berkaitan kacau ganggu dan ancaman daripada sarang tebuian yang berada di atas pokok berhampiran pasar pagi, Taman Mutiara Sg Kob. Situasi ini sudah tentu akan membahayakan orang awam.

Walaupun bagaimanapun, operasi pemusnahan sarang tebuian ini bukanlah di bawah kemahiran dan kepakaran pihak MPKK. Pihak MPKK tidak mempunyai kepakaran serta kelengkapan yang khusus untuk melaksanakan operasi pemusnahan sarang tebuian. Sehubungan itu, operasi memusnahkan sarang tebuian telah dijalankan dengan bantuan anggota daripada Balai bomba dan Penyelamat Kulim Hi-Tech.


Operasi pemusnahan dijalankan pada waktu malam bagi mengelakkan kejadian tidak diingini berlaku. Agensi penyelamat seperti Bomba dan Angkatan Pertahanan Awam Malaysia (APM) mempunyai kepakaran terlatih dan peralatan bagi memusnahkan sarang tebuian.

INFO ACARA/PROGRAM

**OPERASI BERSEPADU
JABATAN PENGUATKUASA**

16 Jun 2022 – Operasi bersepadu kenderaan berat telah dijalankan oleh Jabatan Penguatkuasa MPKK dengan kerjasama Jabatan Pengangkutan Jalan (JPJ) Daerah Kulim dan juga Ahli Majlis MPKK (Zon 3) Encik Annuar Bin Hassan dan Encik Sulaiman Bin Ibrahim, Ahli Majlis (Zon 4).

Operasi ini dijalankan berikutan aduan orang awam mengenai tindakan pemandu / pemilik kenderaan berat yang meletakkan kenderaan di kawasan perumahan. Sebanyak 11 notis / kompaun telah dikeluarkan oleh pihak JPJ.



INFO ACARA/PROGRAM

AKTA UNDANG-UNDANG KENDERAAN BERAT

Majlis Perbandaran Kulim telah menguatkuasa pemakaian Perintah Kenderaan-Kenderaan Berat (Sekatan Penggunaan Jalan) Majlis Daerah Kulim 1997 yang digubal dan diwartakan di bawah seksyen 70(1) Akta Pengangkutan Jalan 1987 untuk menyekat kenderaan dari kelas kenderaan berat dari dipandu dan diletakkan di kawasan taman-taman perumahan dibawah pentadbiran Majlis Perbandaran Kulim.

Perintah ini digubal khusus bagi menyekat kenderaan berat dari jenis kenderaan tangki minyak dan lain-lain., lori balak, jentera pembajak (traktor), treler, jengkaut pengalih tanah, jentera menuai padi, jentolak (bulldozer) dan sebarang kenderaan yang berat muatan maksima (yang dibenarkan) melebihi 5 tan dari dipandu atau diletakkan di kawasan taman-taman perumahan.



Perintah ini digubal adalah bagi menterjemahkan hasrat Majlis Perbandaran Kulim untuk –

- Menjaga keselamatan penduduk dengan menyekat kenderaan-kenderaan berat dari melalui jalan dihadapan rumah-rumah penduduk;
- Mengelak halangan pada tempat awam dengan mengekang kenderaan-kenderaan berat dari diletakkan di bahu-bahu jalan taman perumahan;
- Memelihara kesentosaan penduduk dengan mengelak timbulnya kacau ganggu yang mungkin timbul akibat bunyi bising serta pencemaran udara yang datang dari kenderaan berat; dan
- Memelihara keutuhan infrastruktur sedia ada seperti jalan dan longkang agar tidak rosak akibat kenderaan berat, dengan mengambil kira spesifikasi infrastruktur tersebut dibina bagi had keperluan kenderaan ringan sahaja seperti bas sekolah, van, kereta, motorsikal dan basikal sahaja.

Sehubungan itu, mana-mana individu yang gagal mematuhi perintah tersebut adalah melakukan suatu kesalahan yang boleh dikompaun di bawah Perintah 3 iaitu dengan kesalahan tidak mematuhi larangan kenderaan berat dilarang dipandu di mana-mana jalan taman perumahan dalam kawasan Majlis Perbandaran Kulim dengan amaun kompaun tidak melebihi tiga ratus ringgit.

Seterusnya, sekiranya kompaun tersebut gagal dijelaskan (dibayar) pesalah boleh didakwa di Mahkamah Majistret Kulim dan sekiranya disabitkan boleh dihukum di bawah Seksyen 70(4) Akta Pengangkutan Jalan 1987 dengan didenda tidak melebihi satu ribu ringgit atau penjara tidak melebihi tiga bulan atau kedua-duanya.

Bagi menunjukkan keseriusan Majlis Perbandaran Kulim untuk memastikan kepatuhan terhadap Perintah tersebut, pada tahun 2022 seramai 6 pesalah dan masing-masing 7 pesalah pada tahun 2021 dan 2020 telah dibuat pertuduhkan bagi tujuan pendakwaan di mahkamah.

INFO KEMASYARAKATAN

**KEJOHANAN
BOLA SEPAK PIALA PERSAHABATAN
DAERAH KULIM**



13 Feb 2022 - Majlis Perasmian Kejohanan Bola Sepak Piala Persahabatan Daerah Kulim yang disempurnakan oleh Tuan Haji Zaidi Bin Zainun, Pengarah Jabatan Pembangunan Masyarakat MPKK. Turut hadir bersama Encik Mohd Zaidi Bin Zakariya, Pegawai Belia dan Sukan Daerah Kulim.

Penonton berpeluang menyaksikan perlawanan antara pasukan Jenking VS Rhinos FC dan Panthera FC VS Okami FC bertempat di Stadium Kulim. Tahniah buat pasukan Rhinos FC yang menjuarai kejohanan bola sepak piala persahabatan Daerah Kulim.



INFO KEMASYARAKATAN

Gotong Royong Perdana PENGINDAHAN KECERIAAN STADIUM KULIM



27 Februari 2022 - *Aktiviti Corporate Social Responsibility (CSR) Gotong Royong Perdana Pengindahan dan Keceriaan Stadium Kulim* telah diadakan dengan jayanya.

Kerja-kerja mengecat tembok pagar di Stadium Kulim yang melibatkan penyertaan dari peserta program iaitu daripada kalangan Ahli-Ahli Majlis, Pengarah-pengarah Jabatan, Pegawai kawasan MPKK serta anggota kerja MPKK.



Setinggi-tinggi penghargaan kepada pihak yang turut serta memberi kerjasama erat dalam menyempurnakan misi dan matlamat program ini:-

Bahagian Kerajaan Tempatan, Pejabat Setiausaha Kerajaan Negeri Kedah, Pejabat Daerah dan Tanah Kulim, Pejabat Belia dan Sukan Daerah Kulim, Syarikat E-Idaman Sdn Bhd serta penglibatan komuniti yang terdiri daripada Persatuan Pengadil Daerah Kulim, Persatuan Senamrobik Kulim, Pasukan-Pasukan Bola Sepak Tempatan dalam Daerah Kulim, dan wakil-wakil komuniti mengikut zon Ahli Majlis MPKK.

Tahniah kepada penglibatan semua pihak yang bertungkus lumus menjadikan imej Stadium Kulim lebih indah dan berseri melalui semangat kebersamaan ini.

INFO KEMASYARAKATAN

**PROGRAM GOTONG-ROYONG
DI SUNGAI WANG PINANG**



12 Jun 2022 – Seramai 150 orang daripada pelbagai agensi dan jabatan telah bekerjasama melaksanakan kempen gotong-royong bagi membersihkan kawasan di Sungai Wang Pinang, Kulim. Antara agensi yang terlibat ialah Jabatan Bomba dan Penyelamat Daerah Kulim, Perbadanan Pengurusan Sisa Pepejal dan Pembersihan Awam (SWCorp), Jabatan Pengairan dan Saliran Daerah Kulim (JPS), Environment Idaman dan Agensi yang berkaitan. Turut hadir Encik Norazam Bin Kassim, (Ahli Majlis Zon 3).



Kempen gotong royong ini dilaksanakan bertujuan untuk pemulihan dan pemeliharaan sungai dan memastikan Sungai Wang Pinang dalam keadaan bersih dan bebas dari pembiakan nyamuk aedes.



Selain menyemai rasa sayang terhadap sungai dengan meningkatkan pengetahuan terhadap kesan-kesan pencemaran sungai, ia juga memupuk kesedaran mengenai betapa pentingnya menjaga kebersihan alam sekitar terutamanya sungai.



Terima kasih diucapkan kepada semua yang terlibat membersihkan Sungai Wang Pinang, Kulim.



INFO PELANCONGAN

Ladang Rusa Kampung Dusun



Nama pemilik yang mengusahakan ladang rusa iaitu Mej Muhammad Zuliadi Mail (B) berumur 47 tahun. Beliau dilahirkan di Kelantan dan menceburi bidang ketenteraan pada tahun Ogos 1995. Beliau seorang pesara tentera yang bersara dengan pangkat Mejar. Beliau mula berkhidmat dengan Angkatan Tentera Malaysia (ATM) pada September 1996, untuk jangka masa perkhidmatan selama 20 tahun dan beliau bersara pada Januari 2015. Selepas bersara, beliau mengusahakan ladang ternakan rusa berkonsepkan “Live Interact” yang menjurus kepada Agrotourism.

Kepada pengunjung yang ingin melawat ke ladang rusa boleh berkunjung di alamat 689 Kampung Dusun Keladi, Kulim kedah.

- Hari melawat : Buka setiap hari
- Masa melawat : 8.30pagi – 11.30pagi
: 4.00petang – 7.00petang

Bayaran masuk

- Dewasa RM 3
- Kanak-kanak RM 2

